



Սայաթ Նովա

Չի՛ս ասում, թե լաց իս էլի

Չի՛ս ասում, թե լաց իս էլի,
Բարով տեսա, իմ սիրեկան,
Վարթի նրման բաց իս էլի
Խարերով,
Խարերով .
Բարով տեսա, իմ սիրեկան:

Ա՛րի, մե դարդըս իմացի,
Էշխենեդ համա՛ն իմ լացի .
Օրըս էսպես անց է կացի
Դարերով,
Դարերով .
Բարով տեսա, իմ սիրեկան:

Յիփ կու հաքնիս ալ ու ատլաս,
Տեսնողին կու շինիս մաս-մաս .
Դռշիդ պիտի լալ ու ավմաս
Շարերով,
Շարերով .
Բարով տեսա, իմ սիրեկան:

Յիս քիզ գովիմ խաղի մեշը,
Շամամներդ թաղի մեշը .

Ման իս գալի բաղի մեջը
Յարերով,
Յարերով .
Բարով տեսա, իմ սիրեկան:

Սայաթ Նավեն վո՞ւնց դընջանա,
Աճկիրըդ օսկե փընջան ա .
Դուշմանի լեզուն մընջանա
Չարերով,
Չարերով .
Բարով տեսա, իմ սիրեկան: